

荀  
河  
詩  
集

筍河詩集卷二

大興朱筠竹君

已已

平金川歌

四十韻

皇武耀德天清穰卷弓橐甲包干戈九煙不氛五精動  
羣臣稽首陳詩歌維南荒蠻有苗後敢張鬻鬻當天河  
據蠶叢山魚復水如獸居穴鳥在窠守臣彈壓未紀律  
寧無冒險成蹉跎鬣剛角大漸難制爲虺不摧蛇若何  
皇帝神斷度宇外天維地柱皆周過遂命相臣厲九伐  
剖決醜術同蟻蛾玉笋金壺左右餞天子神劍星駢羅

秘策奇計授宣室以口誥告手擘摩相臣受命出師往  
駿馬萬里一日馱吉酋扣婦同授首欲剪羿羽先羲和  
山魃川鬻絕人路旌旗欲到神麾訶碉樓春天賊所守  
飛焱直上灰嵯峨雪然天兵馱日下赤龍十二擎飛鼉  
頰厓赭壁豁頂腹神火煉石鬪女媧雷精電魄兩磨憂  
陰陽炭灼崑崗瑤敵膽旣落我聲振乞命走窟延頃俄  
皇帝仁德兩大並班師受降天所荷翬狡猶豫更進退  
得厠高厚憾則那桓桓我將布威信獨騎羸從探險窩  
乃崩厥角踏且舞鑲耳漆肝行傿傿朱提磊砢堆瑇瑁  
闌斑昇獻金普陀鐳迎饒迓載刺遽咿啞槽拍鳴鼙婆

願口將威目相德碧晴上下千璽覲相還於朝告

天子錫以繡袞帶紫綬羣臣勤劬更芟涉增秩行賞別等科於

皇孝德及四海功上

母后言無訛以時祀

廟告成烈龍章旖旎虎盾接左史右祝入盛服薦用圭瓚陳尊犧神靈合莫四遠順坐除稂莠生嘉禾爰著事實撰金石籀書頡顙看逶迤螭蟠屬負紛向背文以蟲鳥交蚪蚪大文盛烈誰更比應與王道長無頗岐陽勲薄涿鹿邈赫濯已欲偕陵阿況今天日正昭曜肯使耳

目逃魑魔惟

皇止戈跡大武將相用命加刻劓崇碑高碣有述作已  
見功德勞摩抄小臣才力苦謗陋豈能繪畫空吟哦願  
祝金簡與玉字永諸世世長無磨

送鄭少常二十韻

笏年十七喜下筆獨手謨典邛索墳嗜奇走險莽覓路  
下帷兀兀誰知聞乙丑之冬徭弱弟同試博士弟子員  
其時天寒甚風霰懷被重續手足馘快劍長戟初赴敵  
戰氣十倍超輶輶烏翻蜍趯落兩腕橫參儵忽欹天分  
公披其卷有奇氣知其胸腹藏千軍行哦坐吟屢頷首

遽謂凡馬空冀羣吁嗟大賢重汲獎拱揖後進能殷勤  
北海蒼茫文舉逝籠鶚翦鵠空狝玃誰辨錦囊吞赤篆  
雁門千日壓黑雲金壺銀箭尙泣鬼棲烏釀入金魚醺  
古人撫絃勞躑躅樓高歌苦知者僅如公愛才世豈有  
拔擢椒蕙到薤蕝越初授版作卿士不博賢譽真自蘊  
於今耆老致官政猶龍隱見工螻蛄憶昔伯仲同見採  
季弟行復角比麋如筠竒節竟鹿鹿未免齒蠹終齟齬  
臨當乖違諄更囑能無去後思急急意餘韻促不可盡  
願致此詩臨水濱

唐慈恩寺塔題名墨搨歌爲萬孝廉作和石君韻

慈恩題名宋氏揭萬君寶比琳瑯城高文紀前詩詔後  
欲驅靈怪超塵凡唐承隋運任儒術佐命功德齊巖巉  
遂開科第致俊傑篚篚瓊席商周監愛賢備禮遊覽盛  
長安朝日黃雲銜無漏舊址更築塔已見得土懸鐫鐫  
當年眺詠盡名輩旗鼓列壘奔神颿移時勝跡忽誰顧  
煙崖蔓壁無人茂巋然百尺聳突兀鬼狐羣窟遊野麋  
宣和柳生真好古摩挲點畫加剝剝君何區區抱搨本  
碎金裂帛難珍緘千年古字獨軒爽飛龜脫甲走石函  
蚪伸蚪屈盡變化青天橫出金槍機長矛短兵入繞指  
底柱崩崩彭蠡灑七級從上更零落風雨盜去真貪饒

大文散逸留姓字空揭干羽亡綏繆我披此卷百反覆  
幾欲涕泗搜岩嵌往年丙寅月在壯圓魄正好行將攜  
玩暉美景不肯置婆娑桂影看趨僊須與慌倘更幻設  
邂逅上士言無僂手持古簡教我讀云東扶海西池咸  
羣仙名氏夢中識久嘗肥腴宜酸醎今者開卷乍疑駭  
未信昔讖真感誠神物顯晦終自出安肯秘抑藏重械  
缺書斷賦猶躍水行持楷畫鎮訟誦安得漕事舊刻石  
磨瑕鐫垢須毫纖萬里輿致獻辟雍姓名豈直留山岳  
國家得人式前古坐致梁棟皆槐杉吁嗟秦碑隔燕道  
虵虎據路風多曩時立石應鱗列未見完本心終嘆



屢把舊幅思逾迫西望目盡千層巖殘編愛惜足垂世  
歐陽尙爲濡襟衫況此羣賢親手筆未許俗口廁吠喃  
知君喜事構敝楮誰能昂激祇謗讒君子之澤方百世  
羽翼豈得辭沾沾七卷空成岫嶠碣願上衡嶽隨湘帆  
千搜萬索莽無見長歌縱作聲空颯嗚呼半幅足至寶  
忍能啗啗嫌暫暑

公岳生家古藤歌

古藤輪囷種者誰我年十四初來窺長繩三千拏蜿蜒  
大幽十萬逃魑魍根成生鐵天所冶弱金強火百鬼錘  
青陽起張綠羅網曷夏能滅幽州曦當時共工流竄死

身化老樹尤離奇更聞元冥僂神龜棄殼北海留其屍  
萬年偉怪作異狀必有精氣通靈祇我來百巾繞藤上  
如踏平地誰愁巖祇今攀援更八載豈有榮落分盈虧  
時乘木火更禪代顏色灼爍芙蓉披連株華發文硯礪  
金鷄雙搏赤殷蟻紫衣朱冠踞當道池魚涌涌朝蛟蛇  
投身疑入燃邱國火齊丹瑤堆陸離倏忽頰鱗青碧尾  
有首不見空多形神潛鬼躍千倔強誰披其葉尋根基  
花前翻落金蛺蝶黃雲通體元裳綦巢居太常上阿閣  
羽翼雷電除壇壝飛精合覲相授受已見呼吸來追隨  
定知奇產有天運軒皇炎帝招旌旗此藤異世必騰上

是何頭角行鬢鬢

書遼陽戴進士亨詩後四首

脩鴻振六翮遵彼遼海濱  
引吭動元始飛音凌朱塵  
天風傾我耳哀嘯非世親  
元霜威大漠朔吹聆清晨  
眷彼冰雪士終歲懸空巾  
青桐汜朱絃密理寫至真  
翻疑幼安操性情感古人

白駒蔡女拍蓼莪嵇生詩  
顧影揮廣陵吹笳送咸池  
感子在寒谷努力從棲遲  
晨吟行采菽暮汲清河漪  
顏色豈無悴至愛傾朝曦  
完山四鳳雛羽長生乖離斯  
音獨清苦聞者誰能夷

大雅溯漢晉淵明隱逸流出言皆本性忠質從此求輞  
川與襄陽結興成遐修芙蓉臨春陽梧桐清若秋韋侯  
旣澹宕柳子尤深幽羣賢相倚和侶共靈槎遊君今生  
百代殷勤托扁舟

束髮知詩書志氣從激昂屈騷未飲酒奇操空履霜懷  
情常苦多悲來知何方古人逝流波隔世誰余將聽君  
白雪曲飯我青精糧明明秋水姿蒹葭生悽愴何能秘  
素枕願共披青囊

送劉三庶常映榆

劉侯氣宇懸河淙腰腹强大身臍肱朝來入門發雄辨

往往移晷燒明缸憶初相見意苦劇傾耳未接頻愁呢  
聆君三日盡磊落不比游說聊空腔願與君交誓伯仲  
箴損更迭敲榻控平生相知季弟最生小結契同襟襟  
知君衷素見肝膽足音爲我千回覓往秋相邀列高會  
坐中名輩皆洪庖當筵獨起意豪快先醉肯謝長頸缸  
衆賓傳呼催連飲罄腹欲吸洪流澤我時與君兩犄角  
羽旌列壘金鼓撓方驚口鋒遭勍敵已侶儒將交天鏑  
須臾爭持蚌與鷸豈辨並逐誰生降酒酣每每說文柄  
議論所取在擊撞大雅忽然喪劫火兩漢六代齊奔瀧  
唐賢中興韓與杜如觀秦楚揮幬幬宋元才力更洪浚

縱有笑兀非崢嶸况今商羽正嘹亂迷津誰問仙源艤  
禮沿樂襲成口實坐見高髻來尺髻粵蜀豈殊雪與日  
少見多怪真猶龙君其努力作底柱獨當九道黃河濬  
媿我才短腕無力尙能橫刃斬樞樁文章氣數豈小節  
貴以其道光家邦豈知人生事翻復快意忽感悲來雙  
長衢前日學馳騁上馬若踞牀前杠不信南人慣騎技  
中華强戲都盧橦東野御美頓失手六轡那馴龍性驩  
翻然一落勢千丈孤鳳翅折南州龐經旬相視卧深室  
扶持未穩艱踈躩南今强起可酬酢旋搖歸槳浮吳舫  
溫風行吹麥秋熟郊原蔓地黍與豉淮南此去水鄉接

正擬天塹方大江金陵玉壘入顧盼仙童女珮凌飛淦  
况君宦遊闕問省君子于役尙信矻室人久傾新蟋蟀  
歸心好趁高張雙病體初勝就長道淹滯未用心勞懣  
金閨吳會縱修阻屈指匝月返故窗行款簪珥寄牋素  
與子健筆千里扛我言委婉到瑣碎楮墨汎瀾真多養  
臨乖作詩贈吾子夜更四點聞逢逢

吳孝婦問詩四首

鸞鳴自鳳穴蕙草生蘭隅士行悅其親女德同其夫眷  
昔窈窕質來儀君子居夏晨而冬昏禮職有餘姝下以  
相夫君上以娛舅姑秋風甚庭樹願共欽婉愉菽水清

可啜黽勉心與俱

人事不可測天命不可陳誰令生死痛當此骨肉親明  
明高明家坐與鬼物鄰良人床前啼哀號動天人至愛  
莫能助六親空一身願以已代藥痛割甘酸辛霍然起  
膏肓密爾通鬼神

吾聞陶嬰氏高德播魯東七年悲宛頸三歲勤鞠躬織  
絲奉白髮欲將以身終至性發哀歌黃鵠鳴天空遺音  
千載下鳴管而歎筒山中次室女貞木號清風斯人抗  
奇節行與今昔同

鼓鐘聲聞外鶴鳴聞于天但患誠不至勿患世不傳但



患行不厚豈患後不賢巍巍泉州公治行先渠田抱牘  
上母壽天詔凌空懸名在青縣祀神共銅柱仙美哉齊  
魯區孝德自古然

讀李光四集寄外舅怡亭先生

青箱之樓高虛凌倚牕盤谷青千層五峯入望八石見  
李生昔日空山登當年雲雷起霸嶽珪璋新出齊鋒稜  
天下方蒸黻佩遇至人獨用龍蛇恒介推且驚繞鷗樹  
陸通忽落單鳳贈薊州先生真抱璞偕母愛此盤中勝  
幡然黃冠作道士連裾散髮髯而髻儒衣慣被朱軒客  
欲取異操非於陵清晨劬斧入山去采樵刈艸炊山爨

力盈味歉有餘態歌舞將進豆與登道中行謳盡虞操  
出聲直欲金石崩身雖遺世親尙在六合未許隨騫騰  
從茲自引勿遠去誼與盤谷交親朋我愛其人悲其志  
登樓送目成賤贈古人身隱文更曜必有所作無由稱  
祇今青峰空突兀幾見喜事攀枯藤縱有篋笥垂百紀  
蠹魚之腹脹且脰我生卽多好古淚隔世不解巫陽能  
丈人覩我意更迫笑指架軸牙籤仍先生本末我鄉悉  
授以遺跡丹鉛膾翻手口經千百過竟卷投我元山水  
途窮侶聞阮籍慟飛倦不耐陶潛徵豈是良夜引清夢  
疑有天樂催仙昇文章顯晦信有數況此高節山靈憑

先生著述僅賴此知翁愛惜同股肱行將收拾屬剜  
先生之澤翁所宏樓中藏書插萬卷再搜奇物開胸膈

哭姪幘鑣四首

美好不長世愛惜亦喪生汝生最聰秀望汝及早成三  
歲慎防護黽勉嫂與兄豈知今年夏炎暑還交并苦藥  
疾誠去無乃搖其精秋風入心脾重此新病身床第更  
遘厲兩月日見盈河魚止疾腹鬼伯胡索命終咎前疾  
瘳元氣未曾盛木朽自其幹草腐先其萌六親齊下淚  
哭汝雙眸清

阿兄二十八始喜得抱兒入夏五月初汝弟方孩提撫

摩未釋手愛此雙珠璣盛年急功名捨汝官江西臨行  
汝已病惻惻割愛慈寄來兩三書惟汝縈其思誰知生  
死別卽此山川離飄飄萬里魂何日見父時生存初學  
步死後將安之大江夜夢中精神尙相追便當作書去  
告汝今長辭

我家冢嗣子三世不可詳我伯強年殞大兄當壯亡汝  
生方三年玉殀而蘭殤豈真天道故我欲疑陰陽汝方  
未病時游娛知有方所喜弄筆墨每欲聆文章及汝病  
已割尙戒嫂勿傷引肘自憐瘦淚落真珠浪兒曹所希  
見靈物焉得長天地旣生成安用中道妨良無反魂術

何必招巫陽

初生當命名予名汝幘鑣欲令比丹轂任重堅且牢欲  
如赤日輪終始凌天高念當生小時予望誠奢遙行且  
見頭角汝慧踐我褒眉目更清奇英氣已可標方謂汝  
父官逾歲將汝招宦途不計歲歸來學當優豈知九天  
石忽碎青瓊瑤汝父正遠遊汝母空悲曉汝名最可哭  
欲廢碩人謠

酬萬樵坡利孫子鏡作和石君韻

漢人古鏡萬公得千年照曜開星辰石君驚奇喜到眼  
長篇迭和誇識真上陳赤龍戰天下赤手捧出朱天輪

遂奪金鏡捫五內，猙獰帖服心。瞻親中言仙，臣與仙帝  
掀弄一匣通。八夤曾孫掛肘天，告福百鬼不敢藏精神。  
下篇胡遺菱花七，白燕赤鳳交婚姻。寒光倒吞守宮脫，  
飛鳳忽化雙奔鶉。殿前四尺質未改，模糊不比明如秦。  
吁嗟三十六宮圯，龍珠失盡留單鱗。至今鏡背認古篆，  
欲利孫子振如麟。吾聞三代尙燹氣，匱銘壺刻齊斑麟。  
一物亦思百世守，德澤久遠惟其身。况茲先王照吉凶，  
典則未肯薶荒塵。漢家劉古卽咫尺，古器隔世空蹙顰。  
其時制作近忠厚，圖劃霸怪戒喜瞋。生惟臨昭在桃祐，  
死與魂魄長窻窻。如珠利蠙玉，利璞上輝下潤同山津。

公操何術得搆此頗疑夢寐聞韶鈞豈從軒轅剖委宛  
字垂金薤書玉筠日精月英會兩合持照天地光無垠  
我筆苦無萬丈燄白晝燭火黃昏燐閣筆欲和遲七月  
九秋儵忽逃三春公詩物博理且大強以木鐸敲金鐸  
毗成金魄此夕望定知公屋光投貌今秋雨淫疫鬼屬  
借我明月來驅馴

錢唐舒郎二十遊京師三月而死出時閨中婚一  
月矣所遭哀艷與石君爲歌哭之

崑刀割得雌雄玉瓊死瑤生淚雙漉昨宵風雨瘦芙蓉  
紅英脫盡舒郎肉魂歸莫向天門吼但是才人那望壽

生留十八未亡身一世明眸九地黜王子顏色似天孫  
天上新收美好魂千敲鸞骨合鳳髓膠得巫山飛散雲  
素女絃多五十節不敢輕彈恐桐裂玉閨夜夜認金臺  
一雙瞳人空裏絕

書張元禮遊盤山詩後六首

張君久北人山癖獨殊衆直上九曲盤蟻猱學戲弄前  
年走東海王氏好伯仲相跨豈綠耳一日千搖鞚到夕  
山吞噉芙蓉縛蟬螭頃刻魑人呼夜清不敢寢羿妃天  
中來三潭明珠動口嚼青瓊瑤咳噴萬花凍凌曉怪香  
發大辦斟小匱翻身絕頂觀龍團珊瑚送其時山腰膂



有雙白蛟開火天水地絕上下中一幪回看巖碣搖頓  
想家室夢奇景亦魂失能不退之慟

怪峰透層矚山遊深以曲子兮得忍俊心蕊春筍觸手  
翻三百言瓊瓏萬瓣玉白虹散母胎光燄天地繹九籟  
鵲喉旬五花麟毛燭山勢千蟠蛇飽子赤手毒更比卷  
形後拔地受踏踟山靈久逃去怖子相肖酷

君家班叔皮兩夢誇遊山言入白雲竊道士嬰孩顏仙  
源到魂魄桃花落琤潺石渡航滑鎮杖扶危難我曾  
夢天台天女騎鸛鶴相招赤氣上有手不用攀靈仙豈  
踰險所逢恐神姦何當嗜奇遊芟涉寧人間

初秋放潞河舟楫刺波緊欲觀朱夫容去水綠無盡君  
時起顧盼長嘯空谷引徐生人如玉碧眸洞元牝我爲  
叫楚歌春飛白雪隕明月變南山虛空鏤肺腎寐龍傾  
角聽金爪光隱嶙常恐風雨急令我遊興窘豈知七人  
偕生送九秋殞凌濤逕紆澁尋盤抱輪囷

疇昔渠陽客招我盤山遊涼颺九月中紅葉搖青秋朱  
鳥墮熱羽翎翮珊瑚鏤火翻炎帝井倒湧丹砂流白神  
戰不勝自赭山與邱我欲棄高觀六馬韁北投朱塵眯  
黃沙何日開清眸

日余詢可師五峰更八石出口繪奇麗過耳境絕隔我

全宋詩卷之二  
私記曬甲衛公所身藉到今隱鱗介手捫蛟龍脊最奇  
名懸空凌虛掛魂魄一絲牽之動定有百鬼索平生愛  
奇最聆此情萬劇君強先我到欲耐不可搯空然作詩  
想身無如雲翮

答張元禮并索觀荷花作

長安秋高馬蹄猛急於流星超日影秋中更看金萼肥  
良遊且趁月冏冏張君人從玉山歸素青韁好馳騁  
花開所到紅成堆初日芙蓉看千頃朱欲酡碧波瀾  
瑤姬玉女盡却屏清歌激楚連日夜愛花肯死祇自幸  
六月抱器走燕東猶向潞河索清景招搖直放素心流

蕩入荷花最深境同舟徐郎亦清好白蘋爲裾青菱領  
知君身是芙蓉骨別有奇姿露概梗新詩千首翻水成  
不刻肝脾自適警觀荷放意比食蠶元白苦死愁兼并  
前日相投不我逕謂避熱客善趨冷長句明珠三十八  
似欲諷勸令勉暄好遊我豈非人情十萬黃沙驅我靜  
聞君舊與山靈交三年盤山疎問請願探賈島尋張華  
百折旋螺上高嶺層臺九成風雨夕飛燕橫斜間齊整  
洞深華發藏窈窕晝游縱短燭可秉桃花水至山光多  
此日重游那得省冬寒且索荷詩看待君同去春月竊

秋懷十五首和孟東野

萬聲何聲苦最苦聽蟲唧秋老天地血白凝無赤漚離  
多向列星聚稀不成織捧茲有縫淚夢作無方憶生情  
結不盡况又愛古昔

夜光刺目冷秋聲到耳單直風無歸調硬霜無留寒聽  
聽連木脫想想抽緒盤碎心思一方碎帛聲萬端秋髮  
鏗作絃肉音發痛彈

慘然忽叫聞一吭白鴈飛離心醒不牢寒魄夢亦微簾  
椒爭風紅散菊交月輝織孫又辭河新歡逗舊思去水  
縱急追得逢亦遲歸

深秋別又寒曲室關層屏六窗虛成響三鼓冷過衣尋

寐夢抱水造景似送歸天地忽自苦刻意謀清輝積想  
有神合自失與道違浮浮無情雲離多會何微

月妃妬冰母異色所未聞兩冷艷無肉耳目不暫分夜  
疏漏破風秋緊裂整雲別心五色蕊千抽無合文寒透  
併到骨熱腸猶抱矐絕望九秋氣天地久不緼

秋離耳多聲聲聲淬尖稜虛空不相恤驚叫精神凝冷  
照無色秋凍瑩攢骨冰寒立怖直僵魂空安憑凌步步  
情已澁卧卧夢尙兢山遠不見額汰雲令山澄聚雲態  
相變散雲精相憑

獨居搜銳想一刻周千心九秋翦鏹飛夜光無處尋風

筍河詩集

卷二

五

人詩飄風金天星碎金人語響寂靜暮黑雲密陰天地  
老醜盡強少力不任我有杜鵑口血叫秋更深一叫詩  
一鏗孟語我作箴

天地聽漸衰造作無端聲故葉忍酸墮新蟲工苦鳴金  
風鬪角枕夢脚滯不行平生三萍交南北割辦生平生  
團鏡合璧銅東西明秋艷我文肖秋戰我筆爭秋寒已  
通身溫氣膚不盈

翎翎白鵲暗勃勃青蟾嘯淺雲秋月深密星天河疎木  
龍火鱗扇石蛟碧牙舒兩目瘦天地無復見有餘離人  
嚼冷風四體安得如

別心萬縷絲閃熠天日中心色專視造心響滿聽空想  
幾千龍雲神輓六馬風欲鑽空陷明獨透通達聰人生  
九秋夢天樂三鎗終鬼神奪少年日月餽老翁散散交  
情富窘窘心血窮子清難爲喉乾香難爲叢干邪艷星  
上窈窕惡浪中華簾訪神洛玉槭斫天嵩鏤干光怪腸  
浴一清奇躬抱孤月腹喻我澁澁韻通奇心怒大翻赤  
手屠生龍肯令情塞詩曲折倒所衷琤琤霸舌敲如注  
清喉童莫使秋寒離好景比曠隴秋寒作詩引秋離真  
詩宗

秋深窄光罔人離幽思微不見所望來身兀如未歸當



飯知食食臨風亦衣衣精神不着體虛空何所隨絕清  
失夢寐積思忘疲瘼菊亦最幽峻月走無好姿詩獨耽  
怪艷人離無好詞強共清陶鬪硬與寒郊追新磨秋風  
稜破空出騁馳

秋鞭哭阮車逕斷一絕號秋披嘯孫裘嘯比秋聲高露  
哭瓊瑤汁蟲笑翼孔咆秋月肥太安秋風瘦太勞黃箕  
慎莫留白盤慎莫逃萬物面目憎獨有子可曹顏閃深  
室姬神逼新硯刀詩苦苦于孟詩樂樂於陶利雙青眸  
子辨別一秋毛句撰全秋成少昊無餘操

天地有生寒筆墨無死冰骨節血凍成凝泐雨不勝凍

入四肢硬精神爽依憑冷心後身僵離魄先魂崩苦花  
色同醜酸唧聲自憎吹萬吹一空乃信秋風能盡浮百  
死卉獨凍一活蠅餒魂白帝憐穢翅青天凝醜黨瞥然  
孤乞命安得矜請借秋風刀百磔庶百懲肆尸必水谷  
生炎死冰凌小人詭終鬼君子貞有徵

七七夕女去九九日花來天姿又人艷情縛那可迴朱  
葉笑絲網白霜泣蒿萊遠情一桃洞上情九成臺飛燕  
情鼓緊孤鸞情絃摧多情若在人長歌甚於哀多情若  
在天風雨傷琤濯天寒露淒白人離淚清皚世情悅今  
花我情愛古苔秋老情未老卹肯蘊土埃

瞽若試利刀所戮狼藉紛有聲卽斫殺更不別侃閻周  
公瞽亦賤猗頓瞽亦貧獨有奇文詞哦之彼或聞目瞽  
自有耳左傳卜詩云心瞽并無鼻薰蕕一不分自有天  
地瞽斷絕天地文地媼收卉艷天孫藏錦緼

浩歌和昌谷韻爲閻孝婦割股作

神刀剗雲痛天地雲娘洗腕色河水膏肓雙抱金母心  
不食人肌那救死一心一割肉連錢騰騰熱脂生紅烟  
白頭三咽芙蓉卮孝血滿身天喪誰司命索命牢持護  
泰山鬼神敢作主黃金鑄取扁鵲眸請看死人起九土  
何須靈藥月妃蛛千縷游魂一脈梳天外鳳翼髓正綠

仙膠不愁人命促

書劉教諭懋若嗽歡行後

昔聞上古燧人氏天下多水教網漁廣文先生官東海  
梁肉不足祇食魚左手提魴右王魴放歌嗽歡以自舒  
壯如犴鯨赤嗽出硬如巴虵腹專車迅如雷電索臙怪  
儼如狸鼠相呵噓先生鑿鑿自摹擬下筆不異生吞初  
固知嗜好有真癖那顧俗口來軒渠憶昨相逢潞河上  
四水澹沲多深蘆其時城西好消暑綠波開滿紅芙渠  
尺半之鯉小舟入一網可獲千頭餘冷官是日稱盛會  
取錢合飲三百醵野醪生膾到牙齒味外殊不相齟齬

悔時未從先生飲快覩大嚼千夫沮中秋旣望訪東海

櫪園

余外舅王氏園名

共醉蒲桃醺投我草藁善戲謔接手捧

到千雕璚携歸傳玩節忽換三冬風雪泉州疎口涎心

癢住不得聊以議論當撞搯舊傳寶坻東龍窟下有老

龍開閭閻大者鯤鵬細蝦蟇三百六十爲一瀦水深必

有神物守任綸望餌難溲挈邇來天恐先生餓勾神皞

帝燒天爐

寶坻相傳海燒載縣志余嘗作詩

每於辰戌丑未紀陰火煮

海烹魚菹魚頭百萬供一飽庶幾噉歡天公子況我生

身汙漫後破產欲學生龍屠技成至巧無處用獨放筆

墨囚空虛綦雄臨雌君家業千世絕術成歛歛手持釣

竿遠何托不垂滄浪來沮洳先生學問非敢測滄浪之  
歌聖所於臨風致辭渠陽道從此月寄烹鯉書

爲曹劍亭題借蔭圖

三年從君交贈折雙疏麻所解同心懽焉用離居嗟子  
巷舊閒僻門絕車馬曄天姿歛言笑桃李成垂街余心  
慕斯人履響能暫暇東鄰白榆樹正照開天葩似挹浮  
邱袖玩弄扶桑霞誰與駐白鶴揮手告我家

京師羅長衢第宅如星布聞昔天帝下亦有蘭蕙路異  
香九地來踐我鄙人屨何以慕芳馨無乃大隱故庇廕  
覺已多能不愛其樹柳下告鄰言榮落任天數依故新

非欣遠俗道可赴子棲甚閒適黽勉勿渝素

榮榮滿縣花鬱鬱當門柳閑居侍慈親移居慕良友子  
行結綬來萬里望岷母寸草報長松名實務在厚長安  
豪俊叢况子臭味有聞古親在時結交慎無咎鄙人切  
君知殷勤蛩駘後不知春秋三得似素心否

至情難爲華至好難爲辭逾夏歷九秋不成借蔭詩子  
詩句如玉瓊漿斟玻瓈比見錢侯圖十里鋪清漪炎熱  
卽得至冷如飈相吹我胡獨手下雙援寒蛟髭精神寂  
寞久有情終不移請爲七絃琴萬木澄斯時

庚午

羽嬀頤妹述婚四首

緱嶺駕鶴士暘谷飛龍娥側聞王者後來迓神仙家綽  
約我處子青水環其阿顏色濯淩濤赤日開桃花碧瞳  
何方兒藻目成青蛾銅宮侍繡衣石梁造銀河一體結  
大義六合感至和

平生敢擬鮑有妹如令暉顧爾俊逸才麗鳥雙金衣好  
音呼九春宮徵和關雎請爲子野琴元露同鸚飛朱絃  
汜靈鼓素手揮柔荑上彈簫史儷下調碩女頤覆額結  
君子何似梁鴻妻

三載河上游飲君白玉漿靈芝竊杵臼好契如裴航金



石在君心眠食勤久望不見三星夕直下金銀床雲霞  
變無縫天孫解錦裳齊心一朝併結愛千年將珠孃貝  
宮遂玉兒鵝吹長

文禽比翼飛文魚比目游刻梓與雕桐千尋自相求我  
家舊南海月艷山層幽潞水逆子來清夜乘槎投三台  
女流藥七夕星詣牛胡麻當朝餐支機卽卧遊永永保  
百世懽愛無時休

張君大任工繪事喪母於襁褓中思慕數十年偶  
客錢塘夢神人引其母來相見張覩其病容年  
少與其父素所述狀貌無異相持慟哭而寤鄰

人驚問張述事作記且爲圖事焉

子生新墮地子生初喪母三十六軸崩虛空覓路走康  
回傾地維續命仗媯手痛哉虞鰥母大孝不雙叟田間  
五十哭魂絕難慕取羨子夜夢中遇母神左右襁褓而  
麻衰呱呱眞血嘔

南瀆有化人深思天性事芙蓉五千辦辦抱孝帶能  
於元宵中赤手破囚魑其諸善魂魄天上偕游戲石梁  
穿桃洞孝滿神仙界子精誠所通空天開大隧收陽發  
陰守顏色認夢寐聽孝淚一聲九地鐘鼓碎

畫工寫螭彪不如畫明神畫家繪人物不如畫慈親非

子道子手空子閔子身半歲不識母一生反對親我胡  
背先慈面貌須臾真寐得寤轉失心想那目存有圖  
一危涕無圖一崩魂百讀奇孝記恨無丹青緣

夢識母爲張生作

仙宮朝產姮娥子鬼門夜鎖姮娥死孤兒落地怨天偏  
不渾陰陽圻母子飛被忽化呵天文三十年前無母人  
母成鬼遇兒猶客醒裏死生夢離合桃源此夜南柯路  
孝已伯奇莫暫住天生那是石胎人盡斬天關索親去  
幽明慘絕阮公嘔秋郊枯嬰哭活母

岫巘碑歌寄劉孝廉

峒嶼山碑趙生詩劉君議駁頗可疑明珠蚌持五色鵝  
我欲先發漁人機禹導九江過三澨衡山南瀆親鐫碑  
山高四千一十丈七十二字神鬼詞碑言聖人役鳥獸  
疏水哀土勞形知華崧泰衡嶽麓宿衣食天下承帝咨  
文雄夏貢典則重况有手跡千鈞垂金簡玉牒舊點畫  
蛟蛇入腕塗改竒山深物靈天府秘絕頂欲到雲霞迷  
又傳廬山飛瀑布倒挂萬仞寒玻璃大禹刻石紀丈尺  
此事荒僻尤淋漓乃知精氣能變滅斗牛龍劍旋蛟螭  
秦人尙識倉頡面後死夜鬼偏揮錘天子八龍走神篆  
斯翁歎絕今何之我輩百代更矇眵忽失雙杖行何持

嘉定樵者教何致盜天竟奪山隱居一榻坐看四海鎮  
九鼎突兀囚魍魎頃刻名山盡刊布新刷耳目沁肝脾  
豈直生鸞活鳳艷龍死筋骨枯成堆百蟲千鳥狀聒嗜  
頭鳴舌止千秋期古人器不貴求舊摩挲肯釋商周彝  
如此寶文真舒錦孰忍二子尋癰疽三王立言考法式  
百川自障非誇辭昌言可例益稷訓決眎濬滄皐陶師  
若疑百載有拓本遷固豈發汲冢屍天留神物待後起  
子函元美非余欺韓公老淚恨不盡正直神感猿猱咄  
嗟余好古淚無所衡山雲密無開時空翻雕龍侈本末  
欲呵蒼昊搜根基安得直上岫嶠峰手捫古石琅玕姿

峒嶼碑詩

退之云峒嶼山尖神禹碑又云事嚴跡秘鬼莫  
窺某恐詩不鬼神碑欲絕倒也爲暢其本末作  
六十句

於赫皇禹螭人孫峒嶼之碑鳥獸門獨上衡嶽東南偏  
古字深刻親手痕天帝不許舒大文到今萬有千百年  
裏以萬重突兀雲祝融司方雄其官百寶積光積火焚  
燒碑上下生絳煙變作燃國瑪瑙盆其山雲瞞曰朱天  
當時帝樓白玉餅癖此竒陀赤篆根赤鷺飄死化鬼鸞  
丹穴鳳皇朱雀身珊瑚螺殼啣東瞰毒龍斬頸血洗鱗

走入霹靂點畫真乃命六甲馳虎賁月匠下操七寶斤  
捶搗萬本鈞天懸刀劍插壁驚吳尊玉女羣笑電亂翻  
炎官愜之三手捫火井一閉誰觸閭嬰兒才鬼天公聞  
緋衣詔記飛龍軒不識禹篆神輶噸夢中丹字韓公吞  
天爲破雲出衡山怒猱瘦碑空沈瀾唐封祝融南海神  
穹碣功德侈典墳亾亾火屬龍宮燔蠟脊夜灼鬻黿元  
歲時明祀百爨罇釀大海水作香醇魚鼈羣飲僵蜿蜒  
火烏喝咂醺肺肝顛倒魑鬼髮赤髯刺啗號呶酣乾坤  
水火失部波陵騫祝融百斗饞口涎抱持老鼃大睡昏  
一鼯三百六十春顓頊制孫火不然烟燔雲豁碑窺人

頭角定蠱腰腹胖若羣蟲口徧體穿萬仙句讀不得完  
龍威丈人招何君脫蟬神氣襲門刊頃刻鑄像黃金湏  
骨換棲霞肉天巖淋漓元氣當中間兔夜哭烏蛇喪魂  
祝融驚鬣索火鞭天兵十日追莫拔火雲合其碑流傳

送程二魚門歸淮上

岐路知痛哭况同失路人深宵衣錦繡誰辨僞與真程  
君此下第古抱卞氏珍已衛履下足何恤頭上巾六星  
芒正射奎瀆方通津如何兩神劍天阨無由伸干莫必  
騰上磨蝕以風塵輪囷龍虎氣鬱迫芬芳紉

子兮歌忼慨蕭蕭易水去我豈高漸離擊筑胡此住一



聞知已言涕落如繁絮夜光必按劍明月未投曙章甫  
對越人欲悔翻知悟況今急歸颿六轡無改御所惜新  
相知道遠日將暮揮手南北雲神物會有處

涪州二周孝子詩五十韻

涪州雙孝子其長者名儼同弟儒衛父性命出天險庚  
申歲土人譚寇弄熾嶮斲齒帶磨牙倉皇索人餽平民  
偷聲息萬戶敢不肩乍蹂詩書室醜狀入門頤魑頭獐  
生角腰脇駢到廉推刃雪峨峨殺氣變一閃惟時周將  
軍老將坐病貶有兒知讀書有足走不鑿赤日忽層陰  
天命催入嶼如夜得惡夢無計解驚魘誰知孝之奇血

刃磨心銛屹然雙金城百攻不破點相持辰浹午劍戟  
雜慘淡猛汨生龜蛟壯撾殺契獫狝濺侍中衣金肉萬  
春臉中鬪乍一睨賊膽墮覩覩羣黨駭相顧散勢不得  
歛藥懈大奮呼兄守弟奪展東鄰善搏虎多力饘其腴  
曾手三白額自飽朝一饑西家帶劍郎前年麀蕃貪頭  
角最獍惡碧眸青領顙試攫賊中首同禍嶰下厝此皆  
一敵百儒輩力所忝急當與偕來莫走一賊飴驚聽轉  
併鬪百千刃一揜豺狼爭吞網鬼神助光燄誓分孝子  
體赤血白鏑染魂魄護親真骨肉奏剗剗交鉞身獨翻  
重圍賊盡蹙子戕父則完兄生弟忽奄乃信孝弟真寇

盜不敢罨儼用事其父養志敦瑕玷高年兼病身大木  
風中颺嘔血死莫代終天淚激灑儒生時少年嗜書無  
不曉上矩炎農古甘辛辨苞薪軒皇與鬼區絕絡穴搜  
摩下討委宛文禹跡到松檟地員河渠書管馬味醬醬  
一一心所精反以奇孝掩厥有令匹章美德好模檢始  
孀二十六之死節斲礪教子讀父書鵬翮發鸞翮積善  
後必大幽光彰以漸所以利嗣人騏驎踏霓霓孝行且  
上聞天旌降巖广敢告太史氏書之金玉槩

辛未

恭和

御製焦山古鼎歌和沈德潛韻

焦山數峰飛雲屯勢與浮玉爲弟昆彼以金精得天產  
此用鼎物雄厚坤天長地久古器少覩此猶見商周存  
秦時九鼎逃泗水其一胡爲空山蹲先民制作皆有法  
千年已老藏精魂中間雲雷篆五字言簡意重誰手痕  
漢唐經歷宋元閱口腹空大寧能言乃知至寶必神合  
光氣有待聖所捫筆題江流奪東澥鼎立焦嶺高西崙  
元鼎改歲義無取大禹象物談多門爾來終古到聖手  
如接姚姒親噩渾有明權臣區區者萬牛輦送歸祇園  
醜行鼎義不可垢益信天道非昏昏斷以魍魎與魍魎

刻畫何異神姦論法物還爲聖人用精氣自與山川吞  
天下之瑞見於此坐壓四海無揚奔臣歌

帝和聲九奏歆鼎直達鈞天聞

送仲兄之官山東四首

骨肉知聚首離別安可防兄今况官去舟行到東邦情  
親最無端臨行忽倉皇不知今何日閒立紛忙忙中塗  
道里紆想非平生詳念我二十餘小弱相扶將漸大愈  
憐愛及我如兄長謂言黃髮期便合更不妨豈知有此  
別廣廣來何方

丈夫亦有志四海各有求豈知兒女態兄弟恨不綢相

去千里餘會面那可稠况兄美天性顏色和庭楸非惟  
好其室 大人藉無憂及今我與弟晨昏懼不周此別  
無乃遽且復攀援留到時便寄書勿厭千言投殷勤見  
兄手如與兄面謀

峇峇千尺松下共蓬與蘿蘿繚庇其根飛蓬天之涯生  
兒貴奮飛安能羣居過前年伯南去仲行東山阿獨我  
與季弟相守留京華 先慈生四人已見東西駕每感  
離別易恩愛千回加况 慈有遺言爲善惟兄荷今日  
以官行僂俛寧知他風木忽如此欲語淋漓多臨乖重  
執手五內其如何

秋風淒已涼送兄臨岐分親愛從此別不如同行人兄  
今千里道獨往無密親十日發潞河登岸到濟南水行  
兼陸走屈指何時臻恐兄羸弱軀風雨惟兄身藥物善  
持護奴僕常殷勤古云行路難安得同遵循兄弟遠別  
離致此區區真

哭四妹七首用妹婿王郎悼亡韻

鰈魚當比游鸚鳥必雙翔一朝乖天運鱗羽頽波岡娟  
娟余令妹得荷君子光王郎東畿秀好匹無比量人生  
百年中萬事從所望誰知恍惚事驚痛交我腸結婚歲  
初周天辰豈不當歡愛人所希鬼神中忌妨魂從千玉

女舉袂當風揚無因簫鼓來相望莽茫茫

達人視壽命長短信有時聞汝所疾苦百折憤予思季

春初舉子盈月好抱持去家四十里我馬胡縶維

妹生兒彌

月余兄弟皆以他故未往相視思家致疾遂爾永訣真痛事也顧兒望舅來日暮猶低

衷齊女遠思家想汝情九回誰知杳杳望竟此永永乖

伯仁歎由我况爾骨肉哀嗚呼真余罪問天其何辭更

聞病大漸徧呼兄無遺百殞還自醒苦言相見期屬續

不可待舉齒碎襟衣如此那可說無計想夢歸九夜魂

不來隔絕千酸淒

方汝病初劇我驅僕共載中途情萬端百轉千回改至



親思倍切悲汝不我待入門重執手欲言浩如海顏色  
若平生笑語宛然在恨不便此留還輟真大悔

先母四十六於年豈云老不及命汝笄背去痛大早妹  
生行長成聰明知大道出門相夫子庶慰母懷抱誰知  
六瓊樹忽折三珠實大姐與小妹相從粲然笑死者誠  
多情生者如何悼

人壽不可俟天命真無情惟妹最憐愛生小及長成妹  
媚我所擇相見同精神去春觀飛龍作詩叙所因雙美  
歸其家天合非人親豈知天上姿忽作泉下人

嘉耦不可分臨乖更切切况兒未勝抱苦痛從此訣恨

恨那可言哀叫聲已咽聞爾五日魂精魄降未滅憑物  
致苦辭情義難決絕慟哉神怪事何如謝女別

王郎誠多情況此能不傷有淚如九河汎濶難隄防中  
夜惟孩提遺掛心樟程無端悲風發靈旄環飛翔此時  
情若何好合橫分殃讀君悼亡篇痛哭真癡狂

辛未除夜與石君共話有懷冠山仲君二兄寄之  
臘祀夜方畢爆竹聲四至感茲易歲華念我昆與弟伯  
也江之右不見忽三歲七月仲臨行去去單父地王事  
在馳驅離別良所易俛仰欽庭闈四方各有志請爲古  
人歌何以美棠棣明燈今夕深共語唯叔季歡笑數往

事委曲真可記東西有遠人性情同所寄

壬申

爲杭州汪孝子之麟作

大輪歲以差孝弟成遐風我聞汪先生行與三古同六  
歲色愉婉九歲毀形容常變兩合道天性非人功况當  
母哭父有目生翳矇先生跪舐之奇孝天開通所以五  
十年事母老益恭撫摩祝鰥鰥潄濯惟其躬每食必自  
禱減算祈天公以至母大耋屬續心已窮三月持畚鍤  
風雨號幽宮行行父忌日淚盡血更紅生死孝乃見得  
者惟汪公昔樂正子春傷足傷于衷先生偶病足全受

豈有分哭泣念生我髮膚悔不隆皇天佑其心天年以  
孝終我聞古武陵桃花開深叢先王遺禮樂彼民習其  
中邇來三千年不到人世夢浮華一隔絕大道中能充  
先生豈其人逝者良可從

送吳大振聲南行

少小知讀書與君同足手七載君南歸臨別恐當久叮  
嚀無雜言作書寄我否今春君忽來喜劇那得有新知  
雖云樂舊意良爲厚俛仰說往事陵谷變杯酒行當理  
舊業磨礪成聚首誰知君棄去浩浩維揚走

古有大丈夫仲升投筆硯安得事無用匏瓜不能飯愛

青溪詩集 卷十一  
子詩書人欲進薪者諫才當用所長行路須久慣況今  
嘗艱難情僞更千萬仁恕旅乃濟謹慎躬可辦子如倦  
于游吾好聖人斷臨垂且喜顙敢不披腹獻

爲溧陽節婦狄莊氏作

我讀太白碑黃山貞義女于古之俠氣往往巾幗取冷  
冷瀨投金浩浩歌刻羽後來誰知者千秋有狄母叶方  
其喪所天二十子初舉堂上新老病門外羅雀鼠比驚  
穿屋墉况苦搖風雨翼哉未亡人松脂化赤琥難難保  
其世忠孝同險阻千人成高門六世顯吉士叶遂登蓬  
萊宮白雲思妣祖天子表其行史書金玉柱揚名在鐘

鼎神靈想來佇不聞苦節貞悔亾聖所許知道歌鵲鸚  
綢繆惟牖戶六經職五倫夫人通其故叶請舉詩與易  
大節所以序

送秋涇夫子南歸三首

蘇君化神鶴揭來一游嬉本不謀稻粱彈者亦何爲夫  
子盛文章下第將南歸我貴物乃棄得失豈所疑翻驚  
臨乖淚欲灑清潞西鄭公慕季長趙子辭昌黎離師當  
不反獨立恐路岐

文章溯向雄本大末始暢流傳到後來剽賊真氣喪如  
綴敝錦衣刻意謀共張夫子不好名惡文以綢尚每於

數千年剖別指南向峨峨韓與柳六經作家釀宋興盛  
四氏流徵和高唱南渡龍川別北京弇州放太僕山之  
砥叔子川以障此豈比雕蟲與道伯仲行教之窮根源  
敢不欽所養

憶昔歲壬戌束髮相從遊石君年十二發語長老收公  
車乙丑上禮存相酢酬戊辰館何氏羽仲稱高流思奪  
鬼神舍飛去吳鴻鉤今夏夫子來天球獻皇州便當會  
諸賢相助勤雕鏤死者行已成生者學可求誰知按劍  
去欲挽不得留恍慨十年中日月同汎舟願保金石軀  
立名在千秋

送中黃叔之官蕭山教諭

十月霜嚴寒客行吳越去誰歟官苦冷欲就南風煦束  
裝屢徘徊相別歲再度十年五下第藉此慰歸路方今  
廟堂謨六經備問顧不聞董與申遠作下國傳叔兮抱  
三易日月手疏注書成上鴻都古人以自樹

淄川老田生子木尚親見遺經授後人京費派別擅六  
朝盛百家鄭王南北戰正始祖元虛穎達師流變遂令  
卜筮書秦火待唐燭先儒說灰飛王貴鄭乃賤所以十  
存一頗在鼎祚傳叔兮何殷勤補亡搜莽漢伯厚與士  
粦蜚蜚蟻相戀古人信不死尤賴後來彥嗟我好古癖



滂沱欲被面

我有柅堂師別來已八年我小粗有知皆習師所傳今  
我二十餘恨學不過前猶記師告我與叔同艱難自言  
寡兄弟長大尤纏緥每當遠別離執手長河邊西征寄  
叔詩肺腑成千言重以柅名室一稊二米連小雅戒夙  
夜無媿鳴鳩篇歸其爲問訊遠望歌斯千

蕭山黃閣河先人於此家頗聞后山側松楸列如麻八  
世藏窀穸族祀千人多右近竹林塚曾祖墓之下叶北  
來六十年故鬼飢如何比今三世宦未溯江潮過豈敢  
云有待譜牒且恐訛族人云始祖南宋從渡河書仕不

書官名豈就滅磨又以墓圖來地名失收羅况懷山公墓圖譜兩不加叙行官於斯此行天子嘉上視先人封喬木靈攜呵下以攷世系江漢導岷嶓族人詔以來黽勉同睦和然後爲作書寄我千里陂懷哉久北人長望南天涯曰歸竟何時數典空吁嗟敢陳先人蹟拜手惟叔荷

嘉禾陳君服古與余先後游和堂師之門未相見也師稱服古博聞強記尤精於地理之學天下形勢古今沿革厯厯如指其手壬申秋禾人以公車來都者問服古死且一歲矣其年不及二

十餘悼甚作詩哭之

大冶鑄銅器聽其自折壞造化于奇人所以未嘗愛不  
然如陳君壽考正未艾殺人寧有意無意最可怪我欲  
責司命生死理何解

司命屬文昌曰文人當死緋衣持霹靂鬼伯帝所使聞  
子好地理天上非所喜玉樓李賀成千年豈更圯蒼蒼  
何所有誅求太無已

朱贛條風俗乃有劉歆文班氏蹕爲之師古稱功臣山  
經問郭璞水注搜鄺元茫茫禹所畫經絡子手分無乃  
亡支祁夢醒淮水魂

子生我不識子死我欲哭一朝登高臺今古迷我目况  
我同師門曾手竒文讀高論過儀鴻天地愁局促何地  
可招魂莫放四海足

劍亭以詩聞長安屢試春官十年不第近見其偶  
然作數首辭旣和平然過于慟哭矣余謂古人  
不憂其不達而憂其言之不立劍亭苟得其大  
者何憂乎作詩致之

與君六載交愛爾冰雪辭豈無韋與王隔世空相思天  
風蕩百川廣奏子自娛嗟我雖有耳不聽安聞知古人  
道相貽今人言相期昨日一書札上爲我友詩讀之逾

萬過其言和且夷似夢羅浮山覺來魂魄疑美人無處  
所此意忘何時

蘭草雖共芳歲暮傷其晚每言王者香飄落不可反君  
本神仙姿一國傾婉婉誰令鮫人珠十年泣湘沅高堂  
盛綺羅鼓缶方擊宛請爲奏清琴再彈忽碎阮長歌一  
回首繞梁聲正遠古人竟若何往往善偃蹇誰歟知我  
者持此寄縑繡

北風聲已厲日月與歲徂眎彼庭樹柯未忍同榮枯古  
人精消亡其理在詩書誰爲後來者胡不稍勤劬立言  
貴大端文章雖其餘願托蠹書蠅飲食固所娛浩浩百

年盡好名誠爲愚金石不可化與子思其居行矣各勉  
力安能勞奔車

壬申之冬元禮爲余言孫君汝昂暴卒於長安車  
中余哀其通於文而塞於命也哭以詩且焚之  
通衢以招其魂

君姓孫氏名良駒來遊京師死天衢文長命短何區區  
朔風威發僵子軀君家桐城道崎嶇黃河滔天漲五湖  
魂歸何處中流呼欲渡不得千金壺有母白髮誰持扶  
深閨少婦紅顏姝下絕黃口婦與姑子今凶問豈所虞  
聞子北來良勤劬自顧下筆青珊瑚峨峨異寶走皇都

欲得富貴鳥可哺生別鵝翼離青蚨十年三北歸難圖  
母嗟子子婦望夫夫子隔絕淚痕枯嗟君彼此計何迂  
大海夜索軒轅珠卞和一別三跣跣美人娉婷嫁單于  
生不得死何嗟吁文章富貴本兩途憶昨與君相馳驅  
神色精悍生眉鬚文如快劍磨湛盧晉鄭盡白于頭顱  
我敢摩壘惟守郭君平肝膽真豪麤豈知下第愁病俱  
膏肓深入非肌膚長安市藥囊無銖鳴呼救者誰俞跗  
駕車出游中道殂逆旅不納嗟何辜天都蕩蕩魂踟躕  
九馱四達號不蘇東西南北慎勿徂月波吉士古誼殊  
手解玉珮貂襜褕曰于我殯歸可需我來慟哭寒雲鋪

文昌司祿天聞無請賜及第哀魂孤

鱗洲搆小軒懸梅花圖坐卧其中招余爲詩

朔風吹滿堂欲折美人樹頗驚兩耳冷啁晰聞翠羽那  
知畫手能移我羅浮住平生蕪城夢色香想未故練幌  
與紅妝傾城同一顧一去忽三年不識圖中路此心本  
非石請爲廣平賦

我聞會稽祠古棟生梅花豈曰神靈居地氣先萌芽北  
土霜嚴寒桃李春深葩恨無鄒生律寒谷南風加子兮  
何殷勤苦愛萼綠華欲令仙人姿一笑來黃沙枳橘變  
南北恐損朱顏酖古人圖真真干呼想來過梅精魂不



化此畫其如何

君本清絕士結宇藤花根秋風一朝發夜脫千龍鱗此  
時無梅花何以待三春寒宵坐讀書況有松雪鄰一枝  
出東壁相顧同芳芬清醒到肝膽思慮通仙神畫餅雖  
不飽可以忘朝餐林逋死千年此語誰當聞

三兄冠山官新建壬申十一月以公使來都事畢  
還家數日將反官所作詩四首送之

墮地兄弟親離合如行舟我爲水中嶼待兄來千周三  
世家京兆百吏走皇州兄官於江西上官遣送囚此行  
誠苦難所樂還家遊三年還鄉國新食非故羞請酌一

樽酒消爾契濶愁骨肉得團圓翻恨日月流躑躅此官  
行去去不可留

古人爲民尹苟得戒尤重脂膏豈在貪不虐恐民痛聞  
兄治靖安民以冰雪頌昨日濟陽書清風兩袖空二兄  
各自信况分廉吏俸仲君雖別離夙志安可動兄行過  
濟陽更取小宛誦嗟我有迂癖夜憂遺金夢夷黥問所  
樹莫令我學仲

生人有情僞入世誠艱難榮輕辱恐重樞機生于言兄  
今到官所其里以數千一言言屢萬此身寄舌端况兄  
頗自喜發論波濤翻側聞金鳳凰翱翔四海間百鳥苦

相噪無乃疑譏訕莊周不鳴雁古說非今傳何如老氏  
訓贈言無多言

嚴寒發晨車別兄旣望月發舟自維揚西湖興已勃嗟  
我山水人不得送到越念嫂初行時阿得生俊發到官  
舉兩郎一雙珠突兀淵明豈不達紙筆且須掇譬如水  
與火非此不生活寄語諸姪輩學古路先奪何時見癡  
叔喜劇想開豁

仲君兄官濟陽以詩寄兩弟卽用其韻答之并簡

劉對廷

遊子行何所遠望東山岑無乃雙鯉魚離別感我心念

兄初結綬冬夏忽至今白日曜庭柯光景飛駸駸中有  
四鳴鳥引吭和清音自從分飛來何時得相尋羽翼雖  
遠大山海恐廣深感君凌雲翰拳拳思故林

人生感至愛何如伯仲深一朝驪王路去去不可禁况  
云行路難宦途尤嶮嶮平生讀書時風愆聞官箴兄今  
區區志豈以世態侵念兄古孝悌庭闈心所欽二年故  
鄉土節候多蕭森小人信有懷恐非君子心

十畝亦可旋四牡亦可任前日伯兄歸頗爲莊舄吟念  
兄昔筮仕一奏單父琴行行濟之陽下車感甘霖吉尊  
各有志何必同懷襟爲我問伏生感彼殷勤心兄以學

入官莫令詩書沉翮彼泮林鴟使我懷古深

白雲不可期陟屺多悲吟日月徑千里竊恐天瞋雲昔  
爲齊燕道今聞塤箎音王事辭家食離居想同林山川  
忽以間長歌問商參不如鹿與麕走曠求好音濟水從  
東來下羨魴鱖沉人生遠兄弟誰能不動心

皇天何偏私爲善惟神歆願言求民隱疾苦直相尋爲  
政施孝友仁者思其深至愛苟不忘何忍言鈇樞比聞  
惻怛意頗感東民吟兄其勿遠望終當同稠衾慨然念  
先慈母教無厲音遺則尙不遠以慰先人心

携我送遠操答子思歸吟離聲不成和五內何以任劉

君本清癯遠客恐墜心九年游長安鍛羽棲文禽啗彼  
罔象愚幾失東海琛與子行交手一碎千金琴胡爲吹  
清角驚我仲氏心寄言相勉力高調來知音

壬申除夜獨坐感懷諸兄弟各言其所遇爲詩四  
首

暢月伯兄歸忽復東南征其道出山左紆曲濟水行不  
憚車馬勞急此親愛情三年不相見離別弟與兄屈指  
下浣餘此日歡會并歲除一杯酒馬首驅王正官行豈  
可待努力相醉傾故鄉雖千里同看參西橫

仲君尹赤縣一歲去鄉國感兄天性多歲晚思何極前

日寄我詩淋漓動楮墨兄兮遠行役岷岵想登陟古人  
插茱萸節候尙心惻况當改歲間日車不可勒非畏赴  
壑蛇頗憂蠹苗膳相見日老大恐非故顏色立名在盛  
年安能徒飲食何時歸連床蕭瑟聽亦得

春風動長安歲歲變腐草我有弟石君相顧真可寶家  
祀獻且徹言笑莫不好徘徊子就寢明旦趨朝早我時  
獨坐久爆竹傾耳倒起翻石軍書戒薄厚用保欲舉策  
數馬彷彿萬石老感彼長者言竊恐未聞道古人相儆  
勸豈以富貴禱讀書垂不朽庶幾光祖考來歲已若奔  
去歲忽若掃與弟夙昔志從今相論討

人離欲曙星歲去凌風羽守歲與懷人兩念難 主伯  
仲暫相合叔季久爲伍念當臘欲畢千里同肺腑我胡  
獨擁爐苦吟勞醜縷自作金石聲豈顧雷電取逐貧與  
送窮頗笑雄與愈戶外自有耳何必怨鐘鼓請爲兄弟  
謠以當骨肉聚



笥河詩集卷二終